

ULLOQ 16. September 2023

UKA2023/46

Filmiliortarneq pillugu Inatsisartut inatsisissaannik Naalackersuisut saqqummiussinissamik peqquneqarnissaannik Inatsisartut aalajangiiffigisassaattut siunnersuut. Inatsisissatut siunnersuut kingusinnerpaamik UKA2024-mi Inatsisartunut saqqummiunneqassaaq.

(Inatsisartunut Ilaasortaq Peter Olsen, Inuit Ataqtigiit)

Peter Olsen, Inuit Ataqtigiinneersup, Naalackersuisunut Nunatsinni filmiliortarneq pillugu UKA24-imi inatsisissamik saqqummiussaqaqqusinera Siumumiit imatut oqaaseqarfigissavarput: Peter Olsen, Inuit Ataqtigiinneersup siunnersuutaanut Siumuminngaanniit qujavugut. Ukioq kingulleq filmiliortarneq sammineqarmat paasissutissarpassuarnik peqalersimavugut. Siumuminngaanniit tunngaviusumik siunertatta ilagivaat Nunatsinni inuiaqtigiit nunarsuarmioqataasutut unammillersinnaasumik ilinniartitseriaaseqartut pilersissallugit, aammalu filmiliornerup Nunatsinni ineriartornera annertusaavigineqarnissaa, tamanna ilaatigut filminstitutiliornikkut anguniarneqassasoq. Taamaammallu filmiliornermik inatsisissaq siullertut aallarniutitut suliarineqarnissaa inissamiilluni. Siunnersuuteqartup oqaaseqaataani inatsisiliornissaq 500.000 kr-eqassasoq naatsorsuutigivaa. Naalackersuisullu filmiliornerup silarsuaani periarfissanik suliassanillu misissuinerminni akit assigiinngitsut allattoqqasuutigivaat. Una inatsisissaliornissaq taamaammatt Siumuminngaanniit taperseroratsigu aningaasanik inatsisissamut isumaqatiginninniartunut ilanngunneqassasoq kissaatigivarput. Nunatsinnimi oqaluttuaatigut amerlaqisut filminngortuuppata qanoq pikkunartigisassagaluarpat, suliarilluagaappata. Nunatsinnullu aningaasat tuttalerpata annertuumik isaatitsivigineqarsinnaalluarlutik. Aappaanilu avataaninngaanniit Nunatsinnut filmilioriartunut piomasaaqateqartalissuugut, gebyrinik akiliisittalissagatsigit, ullumikkut taamaattoqannginnatta. Taamaammatt una siunnersuut Siumuminngaanniit taperserlugu kulturilerinermut ataatsimiititaliamut ingerlateqqipparput.

[Oqaaseqartooq, Najaaraq Møller, Siumut]